

青芝山館集

青芝山館詩集卷第十六

臨川 樂鈞 元淑

古今體詩

甲子

贈盆蘭 并序

盆蘭二本舊春自山岩間移植魯直有言一幹一花而香
有餘者蘭此眞蘭矣一本花淺碧色猶常蘭其一作梅花
瓣茲異種也山蘭蓄於盆鮮有活者今茂翠如故而梅瓣
者冬抄出二幹春一月矣卒未破萼豈非矜貴獨爾抑氣
候使然贈以詩而催之

絕代嬋娟子藏影重璧臺飛瓊把雲袂春風吹不來零雨淒
寒玉百草無心綠百草猶不芳況爾空谷香花開不敢佩花

落不敢焚願將千載意傳寫託桐君

逐狸詞

并序

雨水日邨巷鳴鉦云逐狐狸雖誕亦可喜也輒爲詩以助之南方狐絕稀率狸耳故以逐狸命篇

豺狼不當道狐狸敢復逞
深夜攫我籠中雞我聞其聲不見影
吁嗟狸兮獸之盜黠爾朋兮鼠爾導
宅冢墓兮翳蒿蓬戴昏月兮駕旋風
狸之來兮乘我屋狸之去兮踰我墉
今日之日當雨水金鉦鏗鏘遍邨市
大聲呼逐狸狸兮應聞知避匿全爾
生人何求爾爲毋恃爾能矜爾譎將
有獵人蹤爾穴弩牙瞞矢應手發
鷹能攫兮犬能齧吁嗟狸兮慎勿出
當抉爾皮燔爾骨

炒蟲詞

并序

驚蟄日炒稗作炆燂聲謂之炒蟲炒蟲則蟲死不爲患亦里俗云爾

雨浪浪兮雷轟轟蟲蠕蠕兮蘇以行火颺颺兮穀爆於釜蟲蠢蠢兮各死其所無蛇虺兮入我舍無螟螣兮傷我稼無蠱我器兮蠹我書無喧我耳兮階我膚天之好生兮寧啻於蟲人之惡蟲兮惟害之逢蟲莫我求兮人誰爾毒覆高載厚兮竝生竝育

綠網石 并序

兒子少華偶得卷石廣五寸許厚寸餘石紋隱起肖魚網綠色因名之曰綠網

煙縷絡雲根上有古苔綠井井交橫紋恢恢布闕目竊疑神龍遊偶遭豫且辱風雷裂其網破落滄江曲化石經千年羣

鱗不敢觸漁童偶拾歸不以仇池蓄小兒差解事取獻比瓊
玉嗟此經緯才久矣泥沙伏當時苟施張可網鯨鯢戮

社日別家

昨夜社公收宿雨燕子來巢作新語東風催放小桃花紅向
春山惱行旅琥珀酒濃燒笋香離人在座無人嘗輸與鄰翁
生計好半醺半醉鋤煙草

廣信道中雜興四首

辭家又兩日茲焉就水程送者滅影去弦月昏無情市聲漸
以遠篙鏃時一鳴檣燈不可見星星漁火明舟人暗相祝明
日風且晴前途卽歸路安得思遙征遲速各有懷如水與石
爭開窗望來處夜氣徒縱橫

小泊傍墟市買酒復買魚薑鹽至瑣屑一一皆時須奴子或

遺忘當食心鬱紆行滕又緘鐻遮眼無好書塵中得斷簡乃
是詒蚩符強讀不可下若咽糠與芻盡日但偃臥百體不得
舒側見掠波燕吁嗟人不加

雨歇催征艫衝雲過河口晴意未分明春波尚雷吼西流一
帶縈至此作瓜剖閩楚傭販兒據爲百貨藪丁丁琢船聲擊
鼓還擊缶要津無泊處一舸峭帆走魚鼈屢見掀危形怵土
偶風定榜人笑自誇膽如斗

西棹發鷹潭東帆落懷玉一路琤淙聲十年耳根熟方春灘
瀨平眼界頗華縵山樹餘故姿其杪出新綠雜花炫顏色往
往綴崖澳名狀終迷茫遠視無真矚卻憶昨冬歸清霜歛羣
木沙石豁寒眸釐然見松竹

龍游晚泊卽目

水國春愁化暝煙，龍邱城外月猶圓。
鴛鴦飛向東邊去，一朶遙山薄到天。

平望阻風

鶯脰湖光漲綠醅，船頭忽起練花堆。
漁舟亦在風聲裏，翻向波心打槳來。

題康茂園方伯紀夢詩石刻後

方伯未第時曾夢南

入出北門而去及謫官是州恍然夢境因作紀夢詩五十年前夢太倉郡

鄆道上記行藏云云

監河忽佩典州印，五十年前夢中信。
須臾還去作穹官，城門指與州人看。
先生此夢原非夢，天與奇緣入歌頌。
紛紛世上邯鄲人，孰過黃梁呼不動。

醉雲樓歌爲江文叔作

并序

文叔無子，作醉雲樓。康山下將買一姬居之，屬作此詩。

修竹檀欒青玉色風梢曳近梅花側浣女虛勞過客憐書仙
合許才人得江北江南粉黛多春風日日吹綺羅門前翠柳
牽蘭棹牆上青梅停玉珂冶遊年少春無主豔說煙花滿南
部不惜量珠買侍兒那知種玉求仙侶江郎彩筆吐花枝尋
常不肯畫蛾眉曾經洛浦看塵步欲向湖州張水嬉妙鬢雲
氣虛姚冶紅樓預起康山下幾度彎弓孔雀屏三春待闕駕
鸞社蕙心蘭氣桃李顏知在誰家簾幙間瓊漿未識藍橋路
紈扇遙遮石鼓山鏡裏花光難久匿會有青鸞報消息驗指
應畱再世環同心早證三生石高堂況有畫荻親淡閨況有
采蘋人竚待珠林巢翡翠卽看渥水生麒麟前宵酌我天香
裏五百仙人醉芳醴韻事喧傳文選樓長歌忝索元和體平
生心事屬瑤臺髣髴飛瓊笑口開香燒鵲腦煙空燼簾捲蝦

須月獨來逡巡已醒揚州夢題詩不到迷香洞萬戶秦簫背
客吹一篇魯殿無人誦桃葉柳枝名字畱古人好色成千秋
賸粉猶能漬練素小星何止抱衾裯雕闌繡幄淡遮護我輩
鍾情宜不誤姮娥入月愈分明神女爲雲自朝暮多君著眼
聞風顛萬草千花空自妍何時簡出姻緣簿報我書存豔異
編

次韻訓郭頻伽秀才

磨

苦語詩人知孤懷良友雪感君伐木情假我粲花舌少日慕
交遊英流徧攬結頗洽嵇阮狂亦避蘇張謫測交匪矜嚴律
已故狷潔君眼如月明君才如水折氣與煙雲升力可風霆
掣古光旣磨刮今藻仍搜抉盛名耳畔雷勁敵眼中鏤昨來
得面對數日爲腸熱綺語何嬾如長歌乃橫絕惠荷瓊玖投

報慮鋒鐔缺聊聳吟案肩試畝騷壇血肝膈況宜吐癥痕更
求滅繁花將覆孟皓月政懸玦方接平山歡已論滄江別世
議本狹隘身謀且纖屑子雲常解嘲伯仁或遭媒艱難湖海
上局促巾衫列吾道易瑕疵幾人能剗切和香須寂馨還丹
有真訣區區恐迷途落落事甄別骨高語自超意蕩詞多褻
金與石諧音松同竹比節幸承許氣誼勉欲附才傑植足安
窮途擇言希往哲元韻本暫字易作暫字和之用東坡
和正輔游白水山詩和字韻例也庶荅
眞摯辭敢作須臾說

伊墨卿守惠州以事免入都求復故官晤於邗上以
詩見示次韻酬之

一見續前夢長淮雨漲天船將衝浪發筆爲畫沙懸

墨卿錄
近詩見

貽乃懸肘回腕所
書得古人之法眉氣揚燈下心聲壯酒邊雁門騎易復宦

海豈茫然

與史恒齋夜話

高天總無語，浮生各有期。鶯花春自鬧，星月夜相宜。古法亾歌舞，閑人管歲時。庭梧原瑟瑟，不待冷風吹。

爲墨卿題沈石田楓橋餞別圖卽用卷中石田送孔

高州韻

并序

孔公名鏞，字昭文，長洲人。成化間守高州，撫劇賊鄧公長。事見明史報最過吳石田作此圖贈之，竝繫以詩云：「叛亂無征古亦難，荒州況是赴新官。推誠革賊一言信，知國忘身大義安。矢石叢中孤騎入，瘡痍堆裏破城完。使君本有封侯業，敢倚離尊賦伐檀。」嘉慶四年墨卿出守惠州，大學士富陽董公出此圖贈行。越三年而歸，善賊陳亞本博羅。

賊陳爛展四先後作亂墨卿請兵於大帥不得且被劾削籍又二年來過揚州爲題此詩

南荒作郡古來難畫史題詩頌好官寇警曾聞墨吏告兵行
俄見海城安推心撫賊功何偉掣肘無人事易完君比昔賢
良不幸傷心戰血染旃檀

博羅之亂賊據羅浮華首臺拒守

訓海寧俞蓮石

往歲同杯酒歸櫓響夜溪微寒生水面殘月墮街心醉語模糊記狂歌刺促禁感君摹寫出舊夢總難尋

效劉隨州雜詠八首

幽琴

寂耳同傾聽七絃無妙聲空山獨一奏月動雲孤行箏琶各自悅魚鳥空相驚歎息阮千里徇俗違中情

晚桃

亂綠淡如煙小桃紅幾片畱此瑤池花使作羣芳殿容華雖
自知隱約無人見當春猶失時芙蓉爾何怨

疲馬

良馬世常有窮馬馬斯疲東野稱善御駢駕何失宜雲磴方
層出霜蹄難復馳不死太行坂棄遺寧足悲

秦鏡

秦皇失金鏡日月皆冥濛萬里不可見區區防六宮未及照
玉貌寧能鑒丹衷勿懸高臺上徒使飛塵蒙

古劍

寶劍出漢土鏤文爲太阿精靈蟄蛟虯古鏹無人磨千季未
及試一割知如何夜中看牛斗黯黯橫秋河

舊井

穿地蓄清泉幽心徹古月久歎金床傾尚記銅瓶咽城邑多遷移江河易枯竭道渴豈無人係茲一泓潔

白鷺

白鷺不高舉使人疑羽翰寧知雲際鳥時來下盤魚蝦不易見煙水日以寒終竟異翡翠無愁金彈丸

寒缸

冬日幸不畏寒宵一何永星月俱無情蘭缸獨炯炯從容明寸心凌亂送孤影霜風閃暗窗何人夢先醒

讀諸子五首

墨子

違道非一端非命復非樂兼愛說亦偏用心良已博帶城距

雲梯高義濟奇略功成衆不知俠與魯連若翦葉用其根實
抹人心薄風誼日澆滴寸胸列城郭痛苦在他人談笑看炮
烙同室時有斯況如楚宋各象教主慈悲反爲衆生托王卞
山讀
墨詩云凡人工自私翟也信奇偉惜乎
不見正遂與中庸說議議固自不同

王符潛夫論

世亂思取逃不宦固無悶時事終難忘殷憂滿方寸孤衷世
莫寬謂是傷窮困信節生衰朝絕俗甘肥遯心悲漢政非忠
言寄私論庶幾君相聞力挽危亡運史臣猶未明乃曰懷蘊
憤吁嗟五噫歌志士有同恨書名號潛夫無道言當遙

文中子中說

中說象論語摹擬何規規其言要合道一脈來宣尼吳楚雖
僭王正統終屬之著書況發憤心有無窮悲皇綱魏晉絕禍

變終揚隋不乖作巢許運命輸皋夔傾囊付弟子持以開昌
時君子丁世厄龍蛇潛天池遺文照日月名姓何足疑文中
咸以爲必無其人中說洪邁以爲必阮逸爲撰固不足據而
近世儒者引楊炯作王勃集序云云以語文中子寔有其人
又引裴延翰作杜樊川集序所引中說云云以證中說寔有
其書待其子福時等所奪飾中唐以後乃出而顯耳余按王
子安續書序稱其先君文中子曰漢魏之禮樂未足稱數語今皆見於
言而序中引文中子曰漢魏之禮樂未足稱數語今皆見於
中說則當時已傳其書
亦非中唐以後始出也

天隱子

山林難可住姓名難可畱遂稱天隱子欲與鴻濛遊養氣至
神解造化不得囚世人戀形骸生死徒浮休子徵司馬承禎字唐
羽客遁跡齊丹邱作序獨推仰不信終無由當時李供奉亦
是神仙流寄身白及裏埋骨青山頭茅氏有真訣長生胡不
求

蘇老泉權書衡論

驕主無重臣庸主無才將臣輕士氣卑將失軍心喪權書與
衡論此義特閱暢反覆議當時望古寄惆悵對策希賈生言
事比劉向雜宋嘉治間政令非無狀匹士懷遠憂猶復譏君
相幸處不諱朝其辭許狂放後來烏臺獄詩歌論誹謗

艾虎行

金翹初停日卓午五色柔絲縛繭虎茸茸艾葉香生風釵梁
自顛榴花舞虎視耽耽虎尾長山中百獸輸爾強改易牙須
換皮骨魑魅不識猶奔藏小兒得之驚且喜嗷然跳地作彪
子勿噬節物誑童愚艾綬虎符應似此吁嗟乎幽蘭芳芷隔
中洲欲采而佩心煩憂木馬茅龍天上客下看土偶拽泥牛
蒲劍行

金精出匣芙蓉紫山鬼驚逃木魅死五日菖蒲誰削成鐔利
鋒鋦有如此吾聞此草能引年嵩陽九節延飛僊一朝乃作
辟邪用懸門不數平昌鞭仙耶鬼耶亦何有家家更醉菖蒲
酒三閭醒眼避蛟龍歎息吳鉤不在手吁嗟乎蓬矢桑弧男
子志老大無成總兒戲妖人斬木弄潢池挂壁青萍何日試

代觀別者

林鳥忽去雁岸草憐飛英有客看送客苦意同分明酒杯猶
在手門前多履聲入室卽復出朝曦下前楹衆人聞道遠但
言當早行焉知盡日馳不達長安城掉臂不相挽骨肉疑無
情回頭欲有言鞭梢歛已鳴征塵拂面起東風吹馬纓無人
能佇望高柳遮前程

詠塵

三霄積氣轉鴻蒙大地微茫一窖中紫陌泥濘經夜雨黃沙
日黯又秋風梁間尚逐歌聲動塞上先隨戰血空莫歎人生
棲弱草媧皇搏土本恩恩

詠渥

何人悲淚灑江河散作明珠點白波浮世動搖應似此羣生
漂泊待如何光從猛雨跳時亂氣鬱奔流轉處多聞說仙家
尤幻巧蜃樓彈指出盤渦

野田行

溝水灌溪塍沒草春塵不接咸陽道邨農荷鍤歸未來獨牛
欲拽枯桑倒破屋遙遙三兩家黃雀無聲白日斜山坳古墓
依稀在冷風吹落兔葵花

送曾東溪秀才

浙歸南城秋試

莫戀佳遊悵遠歸湖山爭得似定蘭長江白蘋催鳴榔故國
紅泉待浣衣萍藻無根難久聚鸞皇有翼自高飛明年東閣
梅花發遲爾搖鞭上帝畿

羅浮雙蝶歌爲賓谷都轉作

我簪羅浮尋萬仙仙洞草綠花蒙煙仙衣斑斕夢中舞華首
臺高月色午自慙塵眼眩空觀仙蟲不許分明看那知亦墮
塵絲裏仙蛻雙雙渡江水瓊花萎後蕪城空春隔蓬萊三萬
里麻源詩老東閣開歛有僊風吹爾來裁雲剪雪縫花片繡
盡眉娘五色線當時幻影久迷離今日眞身才一見主人憐
爾到天涯飼以黃葵籠以紗餐香宿霧同仙偶異鄉何必非
爾家粵山往歲羣蜂簇霜戈欲斬龍公竹翠羽采禽衝火飛
此時有路應難歸君不見南海蒲帆遭擊碎爭用車輪排兩

翅絨情縮影畫簾前羅扇猶能惜金翠鸞飄鳳泊何地無千年寂寞返元都韓憑縱死英臺化還有滕王爲寫圖

送集園南歸秋試次畱別韻二首

把酒平山下爲君歌莫哀荷珠拋水失樗火照雲開客路江千折鄉心鳥共回麻姑如見訪休與話蓬萊
鶴骨常相弔鷗心故不疑江湖迷去影風雨惜行期小別應重見浮名要三思斑斑霜裏菊不厭作花遲

寄胡果泉廉訪開封兼柬令弟浣雪

海上移旌駐汴州金隄躍馬奠黃流新銜已荷殊恩錫遠道宜紓老母愁風雨論心思粵嶠關山滿眼隔樊樓遙知令弟能相伴官廨三間住兩頭

送蝶詞并序

都轉旣得羅浮雙蝶籠而蓄之且以詩紀余與劉史兩君
應聲咸作經數日而一蝶夜逸靈變靡測矣都轉隣其意
輒竝縱之復歌以送焉余亦繼此詞云

神仙小謫塵寰遊佳處乃爲三日畱其雄夜半穿煙逝月中
望雌雌不至可憐幻化有叅差那得翩翩聯粉翅主人曉起
爲驚悲開籠縱爾相追飛風花歷亂水雲闊雄兮可向羅浮
歸雄能相待終相見又恐仙山岩洞變同心比翼共飄零茫
茫綠草飛鶯燕鶯捎燕接何太狂此時仙侶皆尋常王母桃
花一朝落青鳥還爲紇干雀

次韻賓谷都轉雨夕閑話之作兼呈芙初恒齋

斗酒乾時不再傾醉來恐引亂愁生可堪夜雨絲連落仍向
閑階淅瀝鳴星月暗從空外墮蛟龍先入夢中驚燕談易盡

還難盡惟有風燈識此情

謝萬廉山大令饋糟鱖魚

羊續范丹清白吏嘉魚反爲故人饋
新除糝缶兩將軍更帶麴生好風味
江南水錯天下無具區之煮松江鱸
京口鱖魚又絕勝湖蟹河豚亦難竝
銀鱗脫水映鸞刀甕中骨醉珍珠糟
病夫食指久未動對此不覺成老饕
丹徒通津兼劇邑官曹來往困供給
鱖鮮雖無土貢煩潤州土貢鱖鮮見地理志
邢免枯魚過河泣馮驩劍鋏無復彈
猶勞安邑致猪肝三十六鱖報嘉貺
江上相思風雨寒

梅雨二十韻

五月黃梅雨江淮合處多連城飛蠓蚋
簾箔起龍鼉水氣千雲上沙聲卷石過
奇肱揮屏翳毒手門脩羅汨汨趨淇澤
洶

洶鼓白波湖隄將震蕩簷溜益滂沱金底揚州郭堂均蜀阜
阿已傷沈寃者當奈建瓴何驟貴江鄉米潛消海岸巖亂流
須赴壑諸郡正防河更說吳天漏兼臨楚地頗素蛟崩絕壁
近聞江黑嶼無盤渦倒拔千尋樹橫漂萬畝禾高樓明爨火
右如此大市人瀟灑生事蠶餘繭鄉思鳥戀窠浮沈憂鴈帛變幻恍
龍梭每應桑林禱寧勞瓠子歌堯年知不患禹跡豈終訛點
點衣當曝膝龐鏡待磨天心憐節序毋使暗蹉跎

仇實父上林圖

國家富強衰之徵君王雄武驕之萌秦皇威尊德亦盛丞相
頌揚天下驚漢家文景意狹小特以恭儉希承平聖子神孫
笑田舍雄才大略包公卿求書興學任文武初政何必非英
明規模忽謂過堯舜大闢宮苑娛心情當時諛臣應運出上

林一賦傳西京可憐萬乘事遊畋區區猶與齊楚爭雖托子
虛對烏有天子知爾能逢迎仇生盡此意何取拈豪八載勞
經營離宮別館擬崑閬神池靈沼欺蓬瀛屬車夾道擁鸞輅
仗馬泛駕追霓旌弓刀所及麟鳳死輕禽狡獸空縱橫嬪御
如花倚臺殿歸來飲酒吹瑤笙圖中摹寫特萬一九重歡樂
洵難名相如此時乃諫獵爲慮銜櫟輪忠誠君心侈泰那能
過開邊未已求長生帝王似此寔罕比寧知天道偏惡盈天
下虛耗民力竭輪臺下詔徒哀鳴馳騁發狂念國恤古語至
痛今聞聲不然校獵亦細故其機乃以同公嬴平生足跡極
燕薊弔古未入長安城想見土花蝕金碧昆明水涸甘泉傾
土木千年作妖異猶憑繡素騰光精吁嗟漢武亦已矣陳陳
往事休譏評雨窗讀畫苦幽暗何日雙鳩啼曉晴

掃晴孃

并序

掃晴孃者小兒剪紙作婦人形持帚懸竹竿上云可致晴也江南有此俗

月面之藤水文蘭豔魂飄飄托金剪手操一帚掃陰空坐看天痕碧玉淺人家呼爾掃晴孃能揮積雨招頽陽雨師有時偶作劇翻遣簷溜沾衣裳湖山霽色連花柳家家紅粉當窗牖封姨更與掃微雲閑煞晴孃好身手吾聞赤帝之女名姚姬巫陽暮雨常淒迷又聞泰山神女嫁西海龍妃電母皆相隨從來致雨由陰氣鞭石夷陵亦此義祈晴反說借裙釵小兒解事終兒戲君不見帚中少婢除夕呼元宵亦卜掃帚姑千金敝帚誰家無

咏紫薇

嫩幹纖花媚小庭黃昏相對眼迷冥檐前新月籠輕霧樹杪殘霞隱碎星豔到十分猶暗淡紅過百日也飄零不爭開向絲綸閣秋盡荒苔處處青

故襄陽呂堰驛巡檢卹授雲騎尉世職王聽夫

翼孫

死事詩四十韻

并序

聽夫長洲人余友鏐夫弟也死事九年矣嘉慶甲子六月鏐夫刻其波餘遺稿成附諸公紀述其後并索鄙詩輒有此作

下吏能忠烈東吳有俊髦事宜湘水弔名其峴岫高甲族傳青瑣丁年受彩毫阮劉諸奏記枚馬癖遊遨借箸籌軍幕褰裳倚將旄鞭風秋隼疾射月曉烏號自博頭衙轉旋傷手板操藍衫州從事黃綬郡功曹不少鷹鷂志兼懷虎豹韜十年

沈宦海一命守亭皋伏莽俄騰踔連城遞繹騷彈丸當孔道
犄角恃空壕擊柝心原苦橫戈氣轉豪團兵飛檄箭殺賊攬
韞刀痛截妖腰斷奔流戰血臊裹屍須馬革授命豈鴻毛嚼
齒聲遯憤屠腸力尚鏖凶鋒雨點簇碎骨浪花淘撥瓦尋遺
劍埋沙認故袍衰親猶夢想義士各號咷亮節尊官愧孤懷
聖主褒禮魂須舊典延賞荅前勞海宇恬熙久江關保障
牢衣冠忘曲突守令惜殘膏僻壤潛張霸流人擁杜陂穴漢
容聚螳鉤小失連鰲幸不開門揖寧無棄甲逃脩矛虛武庫
轉粟費文艘奇策誰効采膚功或濫叨行人愁蜀道詩客刺
陳陶逆譏雖旋撲威弧訖未繫荆襄才豕突秦隴又狐嘯玉
與砮砮碎蘭同蕭艾薌國殤吹夜火家祭哭春醪殉義誠堪
痛流芳亦僅遭鴻文壽梨棗碧葬返蓬蒿梓里思庭樹桐鄉

薦沼芼難兄能表碣嗣子已勝驛廢驛松敲蓋長橋柳散綠
往時嗚咽水莫更起波濤

題潘湘雲小影 井序

湘雲秀水名妓當明末居吳中與無錫鮑讓侯相悅有終
身約已而鮑落魄無耗問潘遂屬一老兵鬱鬱以死好事
者圖其像梅花林下近時崑山女畫師陸芝仙摹之以貽
長洲胡眉峯爲題此詩讓侯者嘗與陳定生侯朝宗輩遊
蓋名士也

鴛湖一株有情柳長條攀折老兵手芳魂猶唱鮑家詩幽恨
歷歷梅花知么鳳啼香瑤砌冷月明偷送嬋娟影玉山畫史
錦屏人絳唇吮筆回古春玲瓏石透闌干曲似有輕風隕寒
玉卷裏崔徽太瘦生誰下珠簾蔽金屋南朝玉樹成空煙舊

院無人門筦絃九原莫怨沙吒利謝女蕭郎盡可憐

宋人謝康樂出浴圖

圖今藏題稔館按詹東圖元覽云何元明藏宋人畫謝靈運出

浴圖絹已黑矣不鋪景惟寫一大人手持一卷子跣足著屐鬚長幾及於屐亦無畫者名欬

手持一卷腳雙屐袒臂著裙頭岸憤垂腹長須過三尺云是謝公出浴圖絹紋月黑雲模糊宣和畫手今則無我觀此畫三歎起惜公塵心曾莫洗乃爲逆節遭刑死君子涉世當未流宜與鳬鷗同泳游彈冠振衣何所求況公世澤冠江左自潔清流原自可江海之人胡不果六朝文士多殺身嵇老陸生皆公倫漱石枕流能幾人紅泉碧澗麻源路吾鄉有公濯纓處文采風流亦堪慕

番禺李東田同年

士楨

晤於揚州以詩見贈賦長句

荅之

羊城燕市渺離蹤
文選樓邊索莫逢
水怪怒吹煙竹簫
閨梨工打木蘭鐘
江風送淚雨千點
嶺樹隔愁雲萬重
感子途窮無可贈
夜燈青照紫芙蓉

題東田水蕉花館詩集後

蠻溪石骨磨煙溼
靈鼉大吼神鯨泣
一杯南海碧欲乾
年年倒入金壺汁
春風卷夢催行旅
槳牙鐸舌愁相語
貫胷酒氣鳴雷礮
吐向瑤天作風雨
故窗圍種水蕉花
青羅剪葉珊瑚芽
天涯桂樹連根死
爭遣王孫不憶家

西瓜燈

清泉浮出水蒼玉
雲漿倒瀉空洞腹
南油一盞發幽光
水閣簾疎月波綠
燕國曾燃綠桂膏
唐家自寶金蓮燭
影紅煙碧總須與
惟見流螢點秋竹

嘲蟬和賓谷都轉

振翼曾無力垂綏豈有心遙遙當夕照惻惻趁濃陰暗露淒涼飲疎風哽咽吟微形須早蛻幾日便秋深

聞蔣師退病甚復甦作詩寄之

夢裏吞聲已二旬謫仙依舊返紅塵鼠肝蟲臂生前刳馬角烏頭病後因住世豈能辭薄宦緘書且喜憫慈親彥升一語堪移寄此日非君撤瑟辰

流水

已落溪澗底悠悠豈自禁濟舟猶有力赴海只無心百折饒風阻孤光受月沈飛花恐塵泥相就獨情深

孟蘭盆會歌

佛國不開甘露門世間傳得孟蘭盆孟蘭盆會爲誰設人鬼

紛紛趁佳節江南水寺卓旛竿新鬼故鬼來求餐塔燈照鬼
鬼歡塔鈴呼鬼鬼悲酸割竹模花街工巧鬼來噉此那得
飽紙衣寒紙錢飛昏月沈江天向卯噫嘻吁生人所累在
口腹鬼復何須丐餽粥又何罪過死不死于劫萬劫啼飢餒
鬼兮人兮同可悲魄耶魂耶無已時安能斷却轉輪手人耶
鬼耶兩無有

次韻酬張鶴舫

瓊英

二首時以天長令謝病將歸永

豐

性行何端慤詩歌特壯豪朋儕推大雅奴僕命離騷宦味飢
猶睡名心癢不搔長吟理歸楫白鷺渺雲濤

自信江湖老狂歌送盛年又逢知己惜寧許附君傳舊夢餘
叶芳蹤跋白蓮文章雖結習猶勝妄因緣

閒階

一尺閒階露草涼
碧天人靜月如霜
秋來盡是無情夜
不待蛩吟已斷腸

再題白庵蒔菜圖

白庵此圖作於乾隆乙卯
余曾爲題一絕句
今年以大庾校官謝病歸
南城買宅城南秋水園側
頃來揚州出園相示復題一絕

秋水園東一畝居
如今眞得荷長鋤
可知苜蓿槃中味
不及雲卿手種蔬

題白庵遊黃山圖

萬丈丹梯倚碧空
芒屨半路阻罡風
天都不到應無恨
知在雲中在海中

秋盡日休園小集聯句二十四韻

礎杵鳴空外

樂鈞

煙霜接水涯送秋辭白袷

劉嗣緒

攜伴試

青鞵城曲樊家第

鈞

溪南杜老齋閑牀分菊枕

緒

矮几列松

牌門茗嘉賓戲

鈞

彈碁曠士懷三休疑楚館

緒

一笑有吳娃

女手垂銀甲

鈞

臣冠挂玉釵狂歌酬小海

緒

痛飲吸長淮往

者蛟門叟

鈞

高名鳳閣儕吟壇開紫澤

緒

仙侶集洪厓丹竈

庚申守

鈞

書籤甲乙排梁溪曾住燕

緒

廬破尚容蝸舊徑憐

重埽

鈞

遺香弔管埋蝶魂銷別院

緒

蟲語碎前階翠蔓粘危

石

鈞

紅莓繡古槐桐材嗟久爨

緒

竹粉戲同措子美寧忘此

鈞卿言亦復佳沈檀添睡鳴

緒

鼓吹屏喧蛙望遠偏樓小

尋芳每路又客心寒比露

緒

詩骨瘦於柴大地催風燭

鈞

遙

天斷雨霜出塵輪佛祖

緒

搏土任皇媧惆悵蕭辰過

鈞

婆娑

穀旦差夜歸人影散縮明月暗西街鈞

雁來紅聯句十六韻

鵲鳩催春去鈞飛花盡馬蹄涼颼商館發縮淡草漢宮萼有

卉如初莧鈞孤生異瘦藜明明新綠慘縮忽忽亂紅迷豔氣

依莖出鈞芳心抱葉齊丹疑分鶴頂縮血訝似鵲啼繪綵千

重裏鈞珊瑚七尺攜印看鴻爪在縮排比鴈行低塞上程何

遠鈞霜前候不稽銜蘆方羽化縮得地且煙棲蜀郡裁牋女

鈞秦川織錦妻遙天書總斷縮流水句難題砌冷驚螢火鈞

庭空惜燕泥幾叢閒點綴縮三徑轉清淒顏色秋原淡鈞韶

華日又西料應年少客縮飛夢到中閨鈞

秋海棠聯句二十四韻

春睡花巢醒劉剛縮秋魂草路消庭空團晚綠金學蓮階淺

積寒條冷豔星星吐

郭琦

柔情脈脈搖弱難禁露重

樂鈞幽

得避陽驕蒂裊蜂腰細

會煥

叢分蝶翅招檀心抽亂緒

吳照

酒頰暈微潮翠羽瑤仙拾

緒

紅絲繡女挑羅裳剛半展

蓮珠

朶忽斜翹褪盡千重錦

琦

餘茲八月嬌迴腸猶欲斷

鈞

怨淚

咎誰飄有約曾投李

煥

相思但采蕭懷空交甫佩

照

信失尾

生橋化石心難轉

緒

成煙恨許描湘陵啼在竹

蓮

泉室泣爲

綃不分壺同貯

琦

從看燭再燒三生畱冶葉

鈞

萬古此情苗

石氏藏深屋

煥

唐宮惜短宵姿應同蕙歎

照

時竟過桃天院

落都風雨

緒

闌干又暮朝疎根吟蟋蟀

蓮

殘影伴芭蕉舊夢

紅牆阻

琦

前身畫閣遙蘭情渾不記

鈞

絮果總無聊涼已愁

銀漢

煥

開休近綺寮恐教思婦見

照

玉貌爲伊凋

緒

劉松嵐觀察

大觀

招飲卽席賦贈

彈君壁上琴知君藏古心飲君牀頭酒與君爲道友平生心
醉醇德人常以文字通精神流雲過空日萬態熊星斗聯
秋旻當君作吏臨邊塞余乃飄搖臥江海夢裏尋詩不見君
那知一日親風采淮南霜落叢菊凋獨有春氣畱松喬隔江
山色應飛到不待羣仙拍手招

廉山圖爲萬廉山大令題

君以山自高而以廉自礪自號曰廉山終身持此義在簪爲
廉士今乃爲廉吏廉吏不可爲一身負衆累負累誠已多廉
名終不愧宋生爲寫圖山骨何峭厲秋樹倚層厓孤高出蒼
翠茅齋著山麓物物具廉意我想鴻濛初卷石散大地拔土
成峯巒嶠扈各殊勢茲山盛圭稜何地宜位置勿與三島齊
勿與五岳配卷束入冰綃平爾崢嶸氣

錢藻石侍郎畫品字蘭卷爲劉蘭田題

藻翁爲詩闢新境藻翁以畫寄幽興興來寫此品字蘭筆法
與詩同瘦勁曹君秉得之贈劉郎露葉風花殘墨香永安湖
水映墳草空有晚雅啼白楊近日名家數吳照詩格如公畫
益妙試拈一瓣問東風楚客湘娥應大笑

蘇文忠公像

題卷館分題

今古全才少奎星落世間笑談亦仙佛名姓共江山四海知
雙鬢孤心老百蠻酌公眞一酒爲發醉時顏

題劉松嵐詩集後

前代張司業傳君筆一枝揀金都紫色煉火到青時古調蠻
姬唱秋心朔雁知應憐江海客徒賦水雲詩

冬窗雜詩和芙初四十四首

井序

頭見芙初此作有觸予心於是感時寓興接近懷遠怫然
蘊發拉雜成咏積疊有日不復詮次

市月生涯寄酒杯黃花憔悴待紅梅不知冷月疎煙裏飲到
開懷弟幾回

劉郎

芙初

淡抱看花心眼裏無花只苦吟幾卷書邊成老伴一

絃琴外有知音

白翁

吳白庵近
稱白翁

狂似酒中仙醉後惟叅畫裏禪垂老曾懷有

如此已曾坐破廣文氊

煙雲久繞題衿館竹石新開六一堂

在揚州郡齋張
古餘太守建

別與此

邦添故事不教明月照垂楊

天如閭上糧艘阻六里黃河六尺淡水手噉噉十三萬化爲

鴻雁起哀音

京兆題名帶笑看汪家兄弟貢春官

竹素竹海

淚珠更爲吳生落

巢松一笠燕霜客路寒

新得吳生燕市書道來相見喜何如不知從水還從陸舟楫難行合買車

汪吳雄筆今世稀彭郎還復懷珠璣

甘亭

雲中雲外皆鸞鳳可

許烏雅接翅飛

北平學士

翁尊漢先生

老休官一飽猶輸苜蓿槃問道著書簾不

捲翟公門外雀羅寒

萬山蔣

師

退吾鄉兩傑才江南直北困風埃

俱爲縣令

黃紬被裏眠

未熟城外督郵騎馬來

襄漢兵纏近八年鴛鴦跼跼墮狼煙繡衣使者

同果泉廉鎮

書相

報舊日流亾漸種田

楊柳無風只自搖秋魂一縷爲誰消明年桃李開時節可有
流鶯識舊條

史君

恒齋

去後尺書稀多病須君好自醫度曲論詩相憶外暑

窗斜月記圍棋

王生

甫

身短氣如虹不獨文章驚巨公可惜近來牙齒落飄

搖江海一衰翁

紗籠白髮兩司成

吳穀人祭酒胡西畔光祿

文字科名竝可驚與我筆耕

同一歎

竝爲揚州山長

花前賭酒不勝情

淮左英髦偶及門

朱生桂談光

二子是蘭蓀相知不過憑文字

莫作蘇湖弟子論

少不窮經壯未能客遊孤負讀書燈諸生莫笑便便腹原爲

觀潮到廣陵

新得門生沈式如

名重鉅吾友
抑之之子

十三能讀乃翁書青箱但學

休文好慙愧言詩卻起余

秋竹縱橫氣未平引杯看劍輒談兵我歌君爲吹長笛猶作

當年出塞聲

蔣秋
竹

七杉作令赴臨湘爲我停舟淮水旁客子官人難聚首一杯

溫酒淚千行

饒七
杉

湖海詩傳鏤版行

王簡泉侍郎所輯
中改部詩三百

侍郎持論比新城王孫

偶賦高軒過

侍郎八十子爲
壽詩亦刻入

漫許韓門附姓名

兩點金焦各自尊推波激浪了難分江淮經月無新雨那个

山頭能出雲

一幃蘭閣繡鳳圖王郎

詩

妙筆寫名姝花光玉色何人似捲

盡珠簾得見無

殺賊思橫太乙槍待將真訣問江郎

鄭堂

包生亦解論兵法

慎伯

聞有心書閱錦囊

玉管銀箏緩緩歌夜長無奈燭花何醉來消得人間住莫怪

青袍酒暈多

日下仙人蔡少霞

浣霞儀部

袖飛五色蕊珠花騎來黃鶴常清瘦

爲少麻姑擲地砂

近代歌詩推老船

張船山太史

醉吟不減李青蓮前年記飲岐王

宅獨立西風自放顛

楊

義松

部劉觀察

詩老鬢將皤先我同登拔萃科幸肯忘年比

張陸可能覓句敵陰何

病葉狂花醉自憐更無他物送流年漁翁又說江邊冷昨夜

蘆風撼釣船

玉鉤山頭老畫師

宋芝山

卻耽風月更填詞吹簫送酒紅燈夜

自寫花牋付雪兒

西甫清詩信手拈竹煙蘿月滿疎簾看渠名字兼風格可是

前身白玉蟾

胡城東名長庚

弱冠能文有陸機華亭海上聽潮歸會添一種相思曲龍女

如花鬥舞衣

祁生客上海會作洞庭緣院本

金線年年壓繡筐

生手

情緒太淒涼芙蓉已老秋林瘦落

葉聲中話斷腸

百年興廢漫傷懷一歲榮枯便可哀花事盡時湖水冷更無

人棹酒船來

牛女何緣住隔河河流寒凍亦無波生憐現世爲星宿愁比

人間恨更多

玉堂載筆懷潘岳

紅茶

山館吟詩憶許渾

青士

往日清遊何日再

琵琶船上倒芳尊

豈有才名敵子山

吳蘭雪

斯文骨肉舊相關長卿今作贊郎去

煙水南湖一鳥閒

張侯

鶴舫

詩筆鼎能扛官罷餅空滯異邦

令

天長未幾歸料得

一燈愁坐久更無人影過西窗

二譚遊宦俱滇南

蘭備學使子受別駕

萬壘巒山隔笑談更憶周郎

希甫

刺井宋子

荀生

黔雲蜀雪擁征驂

隨園簫篴已無聲

袁簡齋太史

安問禪燈續禹卿

王夢樓太守

買得一

杯京口酒談詩猶爲郭生傾

蘭池

詩人大半入詩龕

法時帆學士齋名

韋孟宗風五字叅寒月一天松

幾樹霜雞催夢過燕南

杜牧平安夜不迷奇章相念轉清淒平生何止揚州夢畱得
悲吟在竹西

題襟賓客異平津弄月嘲風各愴神除卻性情成底事不辭
辛苦作詩人

逐日煙雲過眼催逼人霜雪上頭來苦寒亦自無多日爲報
梅花緩緩開

送吳巢松七首

并序

巢松舉京兆落解南還將覲其尊甫龔繡先生於潮州監
司官署道經邗江飲之湖上同遊者彭甘亭光孫沈狎渥
培顧澗蘋廣所皆巢松密友也次日作詩五首見示因和
其體卽以送行兼呈三子

雲路不可上人間且浪遊擲杯別燕市吹笛下揚州詩味辛

酸雜離懷黯慘收悲歌會未暇江水一扁舟

嶺樹隔庭闌金閨只暫歸壯心聊共死狂淚莫孤揮弱草先

秋變寒雲近暮飛緇塵須抖盡去著老萊衣

隋皇埋骨處花草只飄零蕭局拋斜月樓基隕碎星煙消狐

穴露竹亂鬼燈青一種尊尊夜全輸歷下亭

前年子過滬上與巢松遊其

集

詩敵彭郎勁須君對鼓鉦況逢顧元歎兼得沈初明各在沈

淪日同淡眷戀情青芝容卜築漁釣話平生

地主開賓館

遊湖之明日省谷
樺轉侶集題陸館

華燈爲爾張酒人俱跌宕才

語益清狂古劍聞聲躍仙禽對影翔春風如得信應放早梅

香

作詩遣憂患天意定吾曹醉睨羣豪小窮爭萬物高委心隨

筆視防寇習弓刀黃鵠蕭條極罡風在羽毛

海水吾曾飲今添幾尺淡蛟鼉間出沒星月恐消沉樹墮收
香鳥風驚搗藥禽暗潮瓜步落亦自蕩愁心

寄潮州觀察吳疊繡先生二十四韻

江上看潮汐思公海水邊星猶分野其地實百蠻連東路提
封廣南荒物候偏晚虹蒸屨氣秋雨雜蛟涎岳牧經高擢監
司復左遷去思歌十郡新澤布三年昨歲琴江警孤軍鶴嶺
懸英謀出帷幄亂領截戈鋌戰後瘡痍重官來撫字賢飛魚
還故沼散鳥集春田憶客瀛州日觀風蜚女船奢淫知莫比
獷悍況相公吏治難施設皇猷仗播宣長鯨應避劍伏虎
必驚弦建瓴勳方集抽簪計未便幾回聞至論萬里想華顛
往事分憂樂遙心數轉旋旌旗飛隼影几席研鸞牋令子松

過淮濱殘遊續沛川寒邀二分月荒弔六朝煙失路憐花市
移家望酒泉淚生窮達感愁結別離緣簪夢縈窗竹清陰問
幕蓮滄溟如有奏願和廣陵絃

次韻胡城東

長庚

六安溝舟次雜詩二首

不向江邨自釣魚年年異地撚吟鬚平添一種飄零恨雞正
將雌鳴引雛

眼裏江南黃葉邨秋淡里社賽雞豚斜陽斷後各歸去三里
蘆花白到門

十一月二十日與錢獻之

培

彭甘亭

兆蓀

沈狎漚

培

董晉卿

士錫

揚州郡齋小飲得句

尚有冥濛色淮東雪後天鴻心寒更嬾鶴骨瘦逾堅敗葉攢
高竹孤花宿冷煙平生牢落感常在酒尊前

得巢松吳門書知尚未南行復寄一詩送之

淦淦江雲釀苦寒
胷中酒味化辛酸
東吳粳稻量沙盡
南海珊瑚作枕難
鸞孔毛奇憐翠落
蛟龍氣冷抱珠蟠
一船獨背花山去
雪打征裘路渺漫

太伯墓

時毘陵重修其墓故有此作

舊入文身地
今傳葬骨鄉
孝孫猶讓國
崇祀卒稱王
遁跡商周外
遺光牛斗旁
本無茅土志
何必弔吳亡

寒草和芙初

稍稍知春意
怱怱茁短芽
有愁承落葉
無命比殘花
雪裏寒猶未
苔邊綠已差
芳心休盡吐
畱待好年華

夜坐荅甘亭兼示芙初二首

愁接夕陽起
寒隨清漏來
一燈搖畫壁
雙管撥吟灰
劍術思

紅線書名愧玉杯。他時辭伴侶。徒抱寸心回。
片月寒猶缺。微霜積漸多。帽淡眉更鎖。衣薄手頻呵。苦荬
禪味哀絲譜。豔歌前廊枯葉響。恍惚夜潮過。

尚芝山館詩集卷第十七

臨川樂釣元淑

古今體詩

乙丑

卽席

紅燭當筵淚欲乾
杯中熱酒掌中寒
惹愁便是君家月
不待明宵水驛看

人日曉渡揚子往金陵

青山正抱城煙睡
海日遙衝江霧起
烹茶欲試中泠泉
猶是廣陵夜潮水
春風無意作曉寒
往年枯柳傷江干
渡江試訪臨春閣
可有長條拂井闌

句容道中大風

昨夜秦淮見月闌衝風一馬向龍安龍潭驛名紅牆廟古松篁冷
白石橋空藻荇乾冬令已過寧望雪客程方遠莫愁寒江南
江北何分別只願金焦鏡裏看

召伯湖夜雨與芙初話舊事二首

一樣瀟瀟雨隄邊繫客船紅泥非舊路碧草自今年水與濃
雲化花無片月憐橋燈淡夜點送影入湖天
今我惟耽酒知君故倦遊醉來猶對榻夢去卽虛舟遠道生
芳怨閒心觸冷愁鳬鷺皆水鳥只合共汀洲

寶應縣齋與廉山大令論事二首

青山無眞形白雲更善幻長松生其阿見之空復慣直鉤釣
溪潭魴鯉笑而盼肝膽隨人傾往者不可諫

卓錫爭山林豈必在利祿畫蛇賭卮酒豈必爲金玉張陳刎

頸交相背一何速猛虎化妖姬危哉勿止宿

邳州道中雪行三十里

雲色如鴉翻風聲作虎吼飛雪破車簾埋腰及兩肘形類龕
僧枯心若陣兵守前轍旣顛覆後軫時膠紐安危信輪蹄凌
厲愧身手兩僕蠶蛹僵一夫鳩步走飢思茆店飯凍仰黃壚
酒此輩誰所累茲行意實否艱難背親戚慰勞感朋友方春
盛薺麥夾道秀萸柳凝塞諒非宜摧抑況已久願開甘露門
恨無埽晴帚

敖陽晚眺

平野蒼煙積敖山入晚晴不依岱宗勢曾避魯君名石古迷
松色風高接雁聲征人愁望久犂确想前程

羊流店謁羊太傅祠

祖徠積翠掩祠闕古跡依稀似峴山當日長江銷鐵鎖故鄉
何地葬金環東都祖帳風流後西蜀綸巾伯仲間爲問氈毳
垂翅鶴幾時飛去不飛還

望徠徠

泰山多兒孫千里異起伏梁甫雖邀遮全氣未收東西面出
徠徠嶄巖幹地軸夕陽明古松遠射征人目頗疑太豁露秀
絕無所蓄因思石守道不及孫明復

白楊曲

白楊瑟瑟搖風雨天明未明作鬼語中有古時無主魂紙錢
飛入黃塵舞綠楊亦是可憐春尚有長條堪贈人勸君莫栽
白楊樹野田處處成邱墓

雄縣夜發次芙初韻兼示宗墅北同年

雜詩二首

倒盡澆愁酒相將發醉歌排風訶屏翳畫月待常娥飲馬錢
寧惜屠龍劍未磨看山歸便好不奈轉輪何
夜半辭茆店長安道故長輕身投雨雪短夢入冠裳共對彈
碁局誰登遇佛場塵勞方未已莫憶水雲鄉

病起述感三首

勞歌無緩音偃行靡安步形骸既簸弄肝腸乃拗怒一榻渾
醒迷六窗錯朝暮乞靈炎帝草飛夢佳君樹鵲知近夜風鶴
警當春露云何負米出乃作浮罌渡有生原土搏茲事況瓦
注弗得諒無損不死良當悟

友生比兄弟疾病相扶持候視若流水體念如連枝服食固
靡誤言笑無不宜豈惟脫鬼手兼使軒愁眉平生雲霞交舉
念風雨隨矧乃悲歌地當茲期集時寂器響嘈啐繁星光陸

離朋來幸無斃我疾姑勿治

十日酒戒嚴三春花信了紅散棗花寺綠暗蘆溝道野性騰
樹猿孱形閉籠鳥佳招神屢赴勝遊跡獨埽臥讀牀上書起
看庭下草生意通心苗空光鬱畫稿乾坤逼仄對歲月模糊
老臣劍欲飛鳴爐煙休繚繞

普洱石鹽歌

并序

普洱府古產里在滇之極南國朝始入版圖其東南三十
里有錐栗河河上山縣亘數十里乾隆乙卯土人遊牧
者見羣羊舐石疑而鑿之得石鹽堅瑩類石膏上者乃如
水精舂碎煮之百觔可百二十觔色味與海鹽埒由是田
獵鑿取遂爲南徼大利附鎮威二屬鹽稅而稅焉先是普
洱食鹽仰於鎮沅之按版威遠之恩坑及今地暨董諸處

鹽井產少而道遠價甚昂石鹽旣多觔不過數錢鹽井之利乃塞嘗見酉陽雜俎云白鹽崖有鹽如水精水經注云石鹽白如水精火煨則破而用之又華陽國志載汶山有鹽石煎之得鹽史稱鹽澤石鹽如石可琢爲器以盛肉食不鹽而鹹此其類歟族弟詔自普洱來赴公車攜石鹽示余且請志其異乃爲歌以畀之

峯巒城南錐粟河谿衍兩岸吞盤渦潤下之氣久滲漉石漿山骨成鹹醃胎霜孕雪人未識但有畜牧收坡陀晉宮地汁羊所嗜大假其舌開巖阿千堆萬壑遂雷動螺旋一穴通雲窩若開寶藏恣採取洞門自有千蹠馱堅明不減冰玉映擬以水精名豈詭匪惟萬竈足菹醢課額亦增千萬籬竹桶往時汲淡井金錢汁屑包青荷地不愛寶民困息所願官吏毋

煩苛仍恐豪猾擅利數牢盆鍾釜須條科不然且觸鬼神怒
還遣玉女來搗呵江淮閩越熬海波秦晉庸蜀池并羅冉驢
煮土味可和鞞鞣鹵氣蒸崇柯殊方絕國各有產造物愛養
無偏陂此邦況是列荒服百年政教流夷歌織則有棉耕有
禾倚邦山茶芽欺雲蘿瑞鹽一朝復湧出產珠產玉功誰多
水德山靈竝可頌請將我語鐫崖峩

四月六日法源寺作放生會憶壬戌是日與芙初孟
慈祁生浣霞青士小竹朗甫諸君同遊之樂今余尚
臥疾而諸君亦無往者朗甫則已死矣伏几悵惘率
成二首

煙寺城南記冶遊今年裙屐散風瀕鉏車影隔尋春路玉笛
聲寒賣酒樓

輕風出樹颭旛竿依舊遶牀繞戒壇羣雀定飛生處樂

寺僧買籠

鳥數百頭放之萬花誰向佛前看

蘇齋石硯屏歌

并序

覃溪先生舊藏蘇書蔡君謨夢中詩墨蹟屢覓畫手圖烏雲紅日二句之景訖不能似嘉慶癸亥冬得此屏石色石紋天然妙繪命爲此詩

雨勢欲來日光去詩人伏枕留佳語龍掉尾跋烏翔遁入鴻濛無處所沐日浴月和陰陽淋漓元氣蒸頑蒼重崖自鬱雲霞氣五夜常聯星斗光神斤鬼金鑿山骨丹青一片迷離出非關造化奪人工疑是媧皇補天物半晴半雨成天然氣候那待夷陵鞭濃雲落日滿窗几不數米家書畫船遙遙詩夢七百年重見妙句雲根鐫蘇齋舊物嵩陽卷井發奇光照

青眼我亦夢中旁觀人拊掌從公乞丹篆

此詩先生不喜其書存蘇齋冊後白

先生改本也謂其後蘇齋蘇帖二十年山際樓前幻雲

嶽多少盡家傳不出寫詩嘆已後世以豪放目坡詩妙

法蓮花何處實先生論蘇軾不喜自白詩微含淡遠江湖夜

夜月蚌吐煙雨濛濛條身寫詩學管仲羽飛草色裙腰綠

茵軟守居閣子海水揚估開如魚目一轉淋漓元氣功到此

萃舊燕室奇不翫雲一片空魚草是試松風門午莽此即

端明意家似居士嵩陽舊青眼向江陰耶北海陽晦

映雲芝葉我亦夢中旁觀者拍手飛厓笑丹篆

偶成答友人

天教辛苦作詞人又遣疎狂號酒民至死斷無封禪頌前生

不是宰官身石邊樵客看碁局花外漁翁理釣綸歸去相逢

應冷笑笑余衣上有緇塵

戲題寓齋綠樹二首

枝葉扶疎置廣庭亂蟬喧耳不堪聽淺秋試上高樓看除卻

西山更不青

萬樹濃陰幾日成
園林處處綠煙生
好花數點無人見
不信東風是有情

畱別家蘭茗秀才

當年

襦衫利市脫何年
歸去綱官路幾千
姓是嘯花稀易落
才如躡線短難穿
望諸古墓須君埽
仙洞先子正公集名遺書愧我傳
多病更教持酒戒
澆愁虛費買春錢
唐人進士不第者親知供酒高費號買春錢蘭茗近故云

覃溪先生命題天際烏雲帖次卷中元人韻九首兼以志別

景中人與詩中畫
客館疎窗眼暫明
此後雲煙都入夢
千秋傳出辦香情

六橋歸路經過熟
午夢春秋筆尖爲
問錢唐官閣裏
何時

故事倚誰添

飛出樊籠夢不驚
松巢明月照霜翎
調鸚放鵲憐兒女
誰讀浮邱相鶴經

莫再東華踏軟紅
西湖煙月古時同
茶香一縷依稀記
蘇小樓前柳絮風

萬事濛濛過眼塵
不須惆悵曲江春
只餘翰墨因緣重
長憶元亭識字人

餘杭美酒味如仙
合瀉坡公藥玉船
醉臥古梅呼不醒
夢隨花影弔嬋娟

歸過平山拜醉翁
萬花溪處候涼風
蘇公正有門生感
不在淮流淮記中

冉冉詩魂更豔魂
梨雲幻影且休論
幾家三字元和腳
真是

當年手爪痕

山谷跋云子瞻作此事及州字豈所謂傾家新樣元和所著予帖中正有此三字

淋漓大筆埽鉛華不遣人間俗口誇凡骨自知猶可換要從勾漏覓丹砂

再次見贈元韻畱別

弱冠受裁鑒抗志翰墨林辭歸復此日南風吹綠陰別絃未及理乃枉龍鸞吟精律寄洪響意與滄溪漁師門豈不戀親舍懷故岑人事況多違暗淚沾裳袵顧非韶濩器難爲郊廟音空山對泉石孤操非初心元鬢日以改已矣良自今吳生今伯牙能學成連琴

原詩兼畱蘭雪故及之

附原作

婉婉長離翔鬱鬱嘉樹林以彼歸昌律和此中孚陰春晚霧雨積夜半天風吟勿虛偶會合相與觀其深胷奇

祕碑元津原理苦岑孰與沈趙盟日題風雪襟不關梧
竹寫自領微妙音江南落花後頻年緘素心分判量黍
尺浩蕩馳古今鄰寺午鐘來知我調玉琴

畱別康龍山水部

亮男

識君十四年見君無百日氣合形已忘迹疎心轉密君家賢
父茂周方兄伊山高義故無匹緣分君尤深感激難具述猶
憶壬子秋同戰文場筆君時二十九我年二十七有司雖見
遺意氣乃橫出畫出或同車夜語每接膝賄酒金臺下放歌
玉河側旁人怪疎狂頗疑坐憤鬱焉知抑塞人留次無羅罍
焉知游戲客持身有科律君今棄巾衫通籍得華秩龍山以
蔭授官
郎署推領袖大臣服才識

國事諒多裨家聲庶無失我本山澤癯風有煙霞疾浮沈人

海中政爲老親屈
撞牙屢摧折
機用固當息
料理多病身
還山采松朮
一別如煙雲
會合了莫必
何以謝知己
惟有長相憶

張船山太史爲寫青芝山館圖以詩爲謝兼寄賓客

都轉廉山大令五首

芝公曾寄詩
芝卜羅之

買山尚無錢
移居詎有宅
縱心遊八荒
處處聊一擇
夢過金閨門
遠見煙嵐碧
有人拍手招
云是此山客

此山在何許
秀出靈巖旁
雖無接天勢
雲氣常青蒼
故侶有遙約
林間開草堂
漁樵非素業
虛願誰先償

中區少閒土
亦少閒人居
詩仙師造物

船山有小暇
日師造物

爲寫閒

居圖種竹復種花
飲酒還讀書臥遊
卽如此真境終何如

三君已祿仕
雅意在林壑
布衣遊京師
相較寧不忤
故山畱

徹廬飢冷到猿鶴生值唐虞世乃無巢許樂
吳中有三高千載共祠廟信美非此都庶幾感同調死生雲
水間變淚成歡笑古人豈予欺山月遂相照

雄縣雨後夜發

一雨翻盆下古壕街心半夜起波濤濃雲已被東風掃殘月
猶輸北斗高鈴鐸無情空自語輪蹄何事替人勞銷魂十二
橋邊樹莫道長條拂舊袍

夜行東阿舊縣作

車箱入谷走雷霆形勢依稀似井陘當道豺狼沙際石搖風
燈火樹頭星伏兵攻可容千甲平險還須用五丁記是憤王
郎骨處一時悲淚灑青冥

宿遷雨中曉渡

清晨顛風吹急雨簇簇行人沙上語轍馬脫羈飲河渚中流
隱隱聞邪許榜人得錢數復數約略時辰已卓午吁嗟乎榜
人人事有緩急爾有蓑衣與箬笠邯鄲識行人雨中立

木簞行

木簞蔽江來黃旛書

上用營繕在有司豈同方物貢木簞來民船驚

上所用有常程誰敢不讓簞前行

一解

木簞之來或風或雨

水手三百氣盛於虎船不及避擊碎如瓦釜木簞水手猶噴

怒船人墮水不死登岸走如鼠

二解

湯湯運河其狹如帶高

寶既漲河隄旣壞湖之洶洶不可以杭兮河之湯湯不可以

遠望兮

三解

前有糧艘後有木簞西有湖波維舟乎東涯維

不及杙兮木簞來木簞之來或笑而歌或怒而訶嗟爾民船

涕泗滂沱

四解

錢社湖遇風繫船柳樹下書示蓮舫

湖水無情決岸流
湖風隨意打扁舟
釣人家在奔濤裏
行客心驚古渡頭
垂柳相依如舊識
橫雲不斷是新愁
作書待報龍宮使
莫放龍鼉汗漫遊

錢社湖神絃

并序

余舟爲風所泊
禱於湖神既而風止爰製此詞
用荅神貺
靈之來兮毋以風駕玉軟兮
騶虬龍靈之去兮勿雨理我楫
兮擊我鼓鼓淵淵兮神和水溶溶
兮無波佩明珠兮如月流光耀兮
湖之涯使原田兮黍稷又中洲兮
蘆荻匪行人兮利賴神之貺兮無極

六安清夜泊二首

魚蝦鄉裏著人家門外天涯卽水涯
愁聽漁翁相對語秋來無處傍蘆花

往年詩客此經過誇說邨人樂事多
莫訝水鄉漂泊易山居

亦自有風波

胡城東有阻風六安湍詩并寫其意爲圖余曾和其韻

夜泊甘泉腰鋪汎月下見鬻魚者與之語

薄醉與月語漁人忽在旁蘆中撒罾網樹杪指邨莊
生理真無賴余懷豈不傷如何橫釣艇也畏浪花狂

湖漲詞八首

名伯連高寶湖隄隔運河西風三日雨河水作湖波
漁子移家去風波何處宿魚行路亦迷衙尾穿茆屋
高處卽數家藏船雙樹裏兒童不解愁洗手門前水
龍廟鎮長堤紅牆一半在神鴉飛不歸雲下是東海

南船駕風來北船乘漲下湖水忽橫流相逢正開壩
洪濤天上落東望失平林不識雲臺下城壕幾丈深
惶恐復惶恐丁寧復丁寧揚州在何許夜夜宿湖汀
鳬鷗沒野田燕雀鳴中渚今歲荻蘆荒何由問禾黍

草蟲八詠

蟋蟀

砌下時悲鳴健才良可用捉入金籠中秋聲破涼夢一鬥半
閒堂死生無輕重

蜻蜓

水氣積三丈空中相逐飛江南正苦雨爾乃迎其機蚤蚋亦
行盡食尾能幾時

絡緯

思婦秋夜長當機無氣力絡絲啼不休人意轉愁寂此豈織素時提梭挂東壁

螳蝦

奮臂當車輪爲人必勇士惜哉形氣微不戰疆場死齋斧而奔逃將軍常愧爾

蚱蜢

草間躍復飛形狀類螟螣禾稼雖不仁大見而惑譬彼流亾人使人疑盜賊

蝦蟆

已變文字形哆口蟠其腹拖紫而紆青世以此令僕爾宗有渠魁能入月宮宿

蝸牛

戴廬何處歸篆壁行且止陰雨有時晴溼生乃乾死蠻觸在
兩角戰爭猶未已

蜣蜋

蜣蜋乃牛糞所化亦名牛屎蜂諸書未及故注出之

爾身出牛後其智在轉丸辛勤博穢飽推挽力已殫焉識乘
車客亦嗟行路難

題吳退庵小照二首

已作山中客重逢天一涯愁雲壓高浪積雨敗秋花米貴倉
無鼠鹽荒竈產蛙乾坤俱傳舍何處是君家

亦有移家願勞君爲寫圖

君爲余作青芝山館圖

虛空忘世界夢寐對

妻孥故國紅泉冷遙天碧嶂孤蓬萊清淺未試與問麻姑

月下與芙初語有會而作

偶麾白羽一談元仰首高空又默然未信月明眞到地只疑

人影自浮天九關莫遣巫陽問三乘難參杜撰禪夜久隔牆聞鶴語草間零露正清圓

送劉松嵐觀察還濟寧卽入都謁選

秋風淅淅吹野蒲廬公拔宅登歸艫卸帆清淵渡口驛驅車

往乞銅魚符遊宦廿年亦小試政蹟往往畱邊隅

君曾令廣西之天保

縣收奉天之寧遠州

此行且作數郡長平生蘊抱當全摠君於友朋必

直諒當官自與羣賢殊江淮是君熟遊處今年水患前所無

邦人頗復望旌蓋知君能繪流民圖吾鄉地瘠民俗儉救弊

仍思賢大夫持節倘客向廬阜懸鏡定可清東湖他若秦晉

閩粵蜀或困宜撫強宜鋤野人側耳江湖上遠聽歌謠傳道

途名臣循吏世不乏經濟豈不需吾儒叢桂當風發奇稂高

荷得露生明珠經年對酒未竟語此後畱荅荊州書客囊無

物可持贈爲君取月藏冰壺

董小宛靈壁石笛歌

雌鳳一聲雲滿天梅花楊柳春不妍嬌魂側聽私自憐欲來
不來輕如煙水繪園荒號暮蟬雙成妙曲無人傳茗華小字
昭華鐫唇痕指印紅猶鮮南都咎唱燕子牋二十四樓停管
絃亂離時節難久全玉人憔悴蘇臺邊雉皋公子來翩翩枕
畔一呼病骨痊坐發悽弄當郎前郎心妾心皆石堅破鏡有
光幸重圓豔月樓上藏嬋娟評香選茗禪耶仙清福折盡三
生緣影梅庵側埋珠鉿流落人間今百年有客攜來淮水壩
因歎此物非偶然神工采自磐石顛其地政與垓下連自從
楚歌悲塞咽山靈聽之淚湧泉遺響入石石爲穿形質不數
柯亭椽十年哀怨同一宣莫更吹上瓜洲船恐惹江妃愁不

眠遣龍攫取歸重淵

七月初三日友人招飲篠園酒後漫成四絕句

是日爲余

四十初度

冷紅殘碧點秋光
驟雨輕雷作晚涼
憶得今宵有新月
背叉雙手立西廊

芍藥田東竹萬竿
看花過後有誰看
只今冷落西風裏
況復霜晨雪夜寒

記得西湖聽采蓮
秋來扶病上歸船
當時早有虛生歎
回首蓬飄又十年

余三十初度養病於杭州西湖

金蘭置酒眞高誼
絲竹當筵亦寫情
料得老親兼病婦
眼穿腸斷向蕪城

咏庭前小柳樹六韻

楚楚破瓜年靈芸與麗娟春情猶似夢舞態已如仙得地嬌
疑寵禁風弱可憐黃金休作線白雪易飛絲影妬樓西月魂
消檻外煙傷心千萬樹還老灞橋邊

贈洪稚存太史

雪山萬丈照顏色塞外歸來頭未白茲遊奇絕勝坡仙仍向
江南作詞伯先生童年負奇氣欲拔鯨牙踏鼇脊腳尖能蹴
磐石飛眼光直貫重溟碧威鳳一鳴天下聞造命更逢

堯舜君清夢遙醒玉堂月閒身獨伴黃山雲

北年設教旌
德屢遊黃山

文

章棣校見風裁性情欵欵流忠愛孤音壯浪追三唐古錦斑
爛酬八代立言不朽又如此不負人間好甲子賈生被謫旣
召還馮唐未老行當起爲君遙晉黃金卮自憐四十徒爾爲
作賤與天問出處擲鏡於地慙須眉

禪智寺宴集夜歸作

今名上方寺

城市久閉藏衣冠偶閒暇古剎饒高秋歸塵動清夜山風竹
外響江月馬頭下蜀岡旣西迤淮水特南瀉形勢當要衝關
津勞送迎樂土隋始都離宮佛乃借歌吹招勝流城池足偏
霸承平經

本朝風俗沐

醴化穀玉詎論年土金欲同價偶然遊宴稀未必煙花謝荒
洲尚蘆葦附郭宜桑柘寄言屬官民努力事耕稼

寒竹吟

天寒見寒竹宛宛空江曲江花猶未紅江水還復綠江水非
綠波竹心寒奈何佳人掩翠袖怨女顰青蛾青蛾向誰掃肯
對空江老秋氣已淡淡春愁休草草願將碧玉枝製笛爲君

吹蛟龍夜夜泣鸞鳳朝朝飛願將碧玉枝縛作埽愁埽雪
伴梅花埽霧看楊柳製作翠雲箱貯君金縷裳製作五花簾
施君七寶牀製作剪水鞭相隨君馬黃一朝渡江去千里還
故鄉故鄉渺何許吳雲復楚雨羣鴉戀樹歸孤鶴臨風語風
聲何烈烈滿地霜華潔自憐鉛粉姿且保琅玕節不同芳草
萎不隨落葉飛青青獨如此此意君應知

題郭頴伽靈芬館圖用自題青芝山館圖韻五首

墮地四十年仙山遺窟宅塵寰旣久雷風土固宜擇遙聞魏

塘水更勝吳江碧移家置此間不愧蓬瀛客

頴伽自吳江
移居嘉善

去歲送君去我畱淮水旁移巢亦綦急及此歲末君相逢又

一笑仍在平山堂舌畔難買山酒債聊可償

半生不作蘭雅慕陶隱居輪君避地早有屋堪爲圖一亭或

一樓榜名皆已書我居只畫裏持較當何如

淮左金隄開魚龍起大壑畝畝無分勞身手閒可忤遙聽中
澤鴻仰看城樓鶴豈獨客心悲還家亦何樂

有家且復歸羣賢在廊廟我輩旣儒冠庶幾免庸調況君能
著述不畏今人笑他時倘卜鄰鑿壁分餘照

寒雁篇

淮南木落江沙白天遣元冥宣水德殘蟬卽日斷秋聲冷燕
先期還故國此時羣雁鳴嗷嗷寒雲亂落青冥高低空逝欲
尋洲渚中夜可憐傷羽毛秋田墜粟飢堪啄自謂飛來生處
樂倉卒寧知守衛疎遲迴更恐顛危作何處安居足稻粱海
波浩浩天茫茫南望衡陽隔星斗北歸塞外愁冰霜飛不成
行宿復起月暗蘆花一千里走彈虛疑黑岸燈鳴鶻誤聽黃

河水河水濺濺忽成凍十日狂飈吹不動朱鯉難傳繫足書
白鷗亦有傷心夢卻羨城頭頭白鳥朝出暮還將九雛朝集
紅樓了不懼暮聞畫角還相呼憶昔初從雁門入翱翔隨地
能安集從風氣力本無多向暝心情何太急天寒如此當奈
何勞人旅客爲悲歌雪泥爪印休畱戀且自冥冥避網羅

題陸祁生歸帆集後

燕楚征行侶江關去住情新詩如暮笛哀響動寒城道遠家
仍在身窮氣轉平只愁風浪惡漁釣亦心驚

王鐵舟覺梅昆季索題其尊人益莊先生畫山水遺稿

一角雲山寫未全石痕林影淡如煙仰天擲筆凌風去畱與
人叅解脫禪

次韻荅祁生二首

寒梅失春姿寒江變客淚酒醉還復醒心死乃長醉
形神分去住人我同艱難今日又風雪天涯寒不寒

宋芝山屬題天香淡處卷子

并引

天香淡處圖四紙蓋倪元鎮瓚王中立彥強方方壺從義
徐幼文賁爲周南老遜學作也清閼閣集有天香淡處卷
子跋一首及與遜學教授贈畚詩數首跋中稱遜學爲濂
溪後裔其八世伯祖寓建寧之浦城仕至尚書所居有仙
桂堂天香亭高祖某始遷吳世有隱德遜學長身玉立讀
書養親隱居而急義左丞相伯溫甫名其室曰傳桂又曰
天香淡處云云元鎮與遜學同時交好其言自爲可據但
遜學生平始末未詳及也席世臣補刻顧秀野元詩選癸

集內有周南詩十首其小傳云周南一作南老字正道其
先道州人宋末徙吳至正間以薦補信州永豐學教諭又
檄爲吳縣主簿詣闕陳時政六事進淮南省照磨洪武初
徵赴太常議郊祀禮禮成發臨濠居住放還卒云云與倪
跋多不合世臣不知何據然里居仕履不甚懸異或卽其
人而傳載誤耶又云南老詩頗爲當時所詆今所選十首
實庸劣無足觀然爲作圖者皆一時勝流亦可想見其人
清閤閣集又有題趙善長畫天香溪處古詩一首則爲作
圖者甚多其存佚不可考此卷四圖均係的筆乃據倪跋
爲長句書其後

琴牀書几埋煙草老桂何年剪芳葆生綃四幅畱古秋玉露
滴空寒不流薜林舊隱誰家宅瀛溪華胥吳門客池館遷移

故國遙一庭殘馥悲先澤如瓜李實民無家颯颯黃風吹塞
沙姑蘇菜葉亦乾癟豪端猶自飛金雪黑灰幾刼傳到今中
有秋士悲秋心金門羽客已曠絕況乃逸品推雲林王徐二
子亦高手會合精靈成四友主人應是嶽奇人得此畫描堪
不朽當時妙繪存無多幸君好古能網羅請將雲外天香句
遙續淮南隱士歌

書頻伽病起懷人圖後二首

離羣病鶴強昂頭半憶鷓鴣半驚鷗報道沈郎腰帶緩藥煙
千縷是新愁

倚棹蕪城小雪時高樓銀燭照淡巵相思何似長相見未要
楓青月落詩

分題賞雨茆屋藏畫三種

楊補之孤山月色幃子

梅花何處最清絕影寫孤山一片月孤山處士骨已枯歲歲
梅花空似雪瀟洲畫史閣阜仙遠夢時落西冷邊玉面縞衣
出挽下更添明鏡空中懸宣和舊植彌宮苑萬草千花承玉
輦冰綃進御總荒寒一笑邨梅不入眼老鶴歸來不見人臨
安亦是可憐春若教傳寫燕亭杏風雨無情更愴神

宋畫苑待詔勾龍爽邨莊嫁娶圖卷子

氤氲使者開笑口世上紛紛成匹偶牽絲題葉自恩情結鏡
封紗豈長久三生石上論因緣玉軫繫定朱絲絃幾人花月
禁良夜幾處江湖誤少年翠樓楊柳猶悵切修竹天寒邨可
說鴛鴦不其水邊飛鳥鵲空傷林外別爭如東邨新嫁娘嫁
與西邨田舍郎今季多收十斛麥明年添種幾株桑烏健駝

英烈夫人

夫人姓毛名惜惜高郵人初隸樂籍

制置使以武翼郎招之全僞遂欲殺之使名方與同

黨王安等宴飲夫人恥於供奉安斥責之夫人曰

初謂太尉降今乃叛逆耳妾雖賤豈不能爲叛賊

行酒全怒鬻之罵至死不絕事平問於朝封英烈

夫人立富於高郵南門寶城內祀之

神之生兮風之花神之沒兮天之霞戈鋌靜兮玉節下城頭

肅肅兮飛神鴉脫舞衫兮換銖衣閉歌館兮開雲扉指譙樓

兮不語乘湖魚兮來復去永櫓槍兮無尤獨煌煌兮嫠女

卽口

萬樹無畱葉孤蓬少故根有情階下石依舊綠苔痕

煙夢詞十二首題雪如小像後

附錄雪如小傳○雪

知其姓生數月爲袁姬者養女遂姓袁氏娟楚婉慧

志識芳遠年十四鬻於王甲吳俗多鬻女爲優雪如

悲恐飲鹵汁求死救而甦王乃說言良家延師教之

讀已而雪如識其書院本也始悟果將爲女伶矣則

夜投景又以救而免愈益防守之雪如既求死不得
因勉習其截從至廣陵蓋欲陰相所歸久之不遂自
南陽生者客邦上嘗與諸名士宴集雪如識之生問
遂委心焉凡三見以情告於是生之友知其事者咸
避之謀賸之以歸生貧恐相負遲遲不達諾雪如
泣謂其友曰不諾則仍死耳貧與死孰重不與死
畏貧哉且不得其人而死孰與貧而死今得其人矣
而以貧故不諾命也不諾則必死生感而許之各以
佩玉爲質交雪如病三十三日竟死年僅十八
嗟乎雪如不以故肉汁死長經死而卒以疾死何哉
天生與諸名士斂金幣之於後雪如病中生數四往視
像平以詩文辭俾傳之流涕最後不復有淚然猶欲
初尚能言繼則但注目流涕最後不復有淚然猶欲
有所語喉哽而罷悲夫雪如居廣陵數年內抱幽苦
外以溫黠自晦然眉黛俱結背人往往淚承睫以是
多爲有心者所識今潔其身以死
死則愈潔矣字之曰雪如允哉

桂燭蘭膏本易銷
碧紗籠薄更風搖
花憔悴處非芳圃
水激衝時是斷橋
歌扇因緣猶草草
酒帘門巷太蕭蕭
錦姝繡妾藏金谷
穩步香塵門楚腰

燕子歸時記乍逢
廢池閒館傷西風
客如春草闌珊綠
人對秋花黯淡紅
凭過樓闌都屈曲
聽來檐鐸尚丁東
如今更是傷心地
無復昔階咽候蟲

五載紅塵走鈿車
明珠有淚壁無瑕
憐才枉識韓夫子
抱義空勞古押衙
玉案金刀看好在
星眸雲鬢記猶差
青衫那及青幘力
一任封姨困落花

綺席無詞詠墮釵
黃衫有夢脫弓鞬
團雲舞隊猶聯臂
畫壁詩人盡愴懷
玉鏡花空難寫照
紙錢風冷欠營齋
千金欲買驂駟骨
換取遺香擇地埋

吳語喁喁怨鷓鴣
自言生小別姑蘇
新妝忍學拋家髻
獨坐愁看奏樂圖
屏上粉書頻決絕
壺中血淚久模糊
女墳湖畔歸來晚
晚魂是梅花弟幾株

相憐未得已相捐知是無緣是有緣縱使玉簫逢再世可能
錦瑟思華年香煙作篆常孤裊露水成珠亦暫圓爭似化爲
雲霧去隨風隨月在天邊

迴潮嗚咽到江濱小艇迷茫路不分桃葉歌殘傷晚渡梨花
夢斷失朝雲春泥自繡葳蕤鏤故篋誰收蛺蝶裙寒食有人
遙酌酒江南江北可相聞

愁壓雙蛾畫不伸屏風小影尚含嚙飄蕭楚雨迷神女黯慘
秦雲象美人棘刺未穿心自痛荃香欲采道無因最憐羸臥
空閨日爭桂簾鉤便網塵

身命都如六出花宜書小字刻茗華蘭香自幼漂湘岸杜裏
從今弔楚沙生託鴛鴦貽佩玦死無鸚鵡喚琵琶人間何處
堪回首料得蕭娘不憶家

翩翩長袖不勝情六尺邇毡一燕輕平日笑啼俱掩抑此時
哀樂轉分明愁多儘向東風訴坐久渾忘北斗橫太息劉郎
幽院句無由吹入小紅笙

莫更華筵戀酒尊斜陽未落早黃昏燈前刺促成良會坐上
迷離見豔魂痛惜尚煩諸女伴浪遊終笑舊王孫分明歲暮
風吹雨疑有飛花夜打門

海思雲愁合且刪霜天聞雁憶鄉關平安未報機中字索莫
應描鏡裏顏千里有情穿樹月一痕如夢隔江山羅橫底爲
雲英歎出嫁成名盡等閒

碑陰

雲如歿於乙丑十二月丙寅九月
葬於吳門治坊之原余爲撰墓碣

抱琴詞題畫

莫作朱絲絃絲斷不復連莫作白玉軫玉碎同塵泯莫作黃

金徽終有銷鋒時不如化爲琴上漆無情有情誰得知枯桐
心死知音絕聞作梅花伴斜月

賦內子病四首

昨得大兒書開緘久驚悸云君疾勢增望我決歸計往者屢
報痊我心差以慰至今反沈縣前詞乃隱諱得非念我行恐
我遠懷思君意良獨淡兒義一何蔽人生既爲客百事鮮如
志嗟哉古人言嫁得浮雲堦

廿載作家室同居會幾時有言未盡吐有疾各自治去年與
君別今年遊京師榮途雖息足仍滯淮水涯老母逾七十朝
夕勞扶持膝下兩男子幼者懷未離我行徒恃君君病復倚
誰不見營巢燕雌曹雄始飛

歲寄賣文錢八口免寒餒貧家無餘望平善荷天祉君體素

清羸易疾亦易起胡爲久不療洵乃失調理連哉求其醫切
脈究原委與我筭中囊澹吝價可抵慎毋憐我貧莫有勿藥
喜休戚同一身懷抱絨千里

友朋置高宴酒半發清彈一曲未及終我淚流洄瀾四座竝
駭怪哀樂何無端焉知客子心百感無一歡音響又悽絕胡
能不辛酸夢中盼鄉里雨雪飛漫漫欲返旣迷路還自傷其
寒日歸不及早歲暮將何歎